



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, 1599**

**VD16 B 1607**

IV. Adferuntur testimonia ex Testamento veteri pro sententia  
Catholicorum.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)

amissim Scripturarum examinari iubet; proinde priuatorum homines iudices facit in causa fidei, non solum Patrum, sed etiam Conciliorum, nec ullum omnino relinquit Ecclesia commune iudicium. Denique MARTINVS KEMNITIVS in examine & sess. Concilij Tridentini, ceterique omnes ius temporis haeretici, auctoritatem interpretandæ Scripturæ, ab Episcoporum Conciliis, ad priuatorum hominum spiritum deducunt.

*I* *Scribit faciliter*  
*Sylvanus. Vide Aug. de civit. l. 3. c. 17.* CAPVT IV.

*¶ Adferuntur testimonia ex Testamento veteri pro sententia Catholicorum.*

**R**OBATVR nunc sententia Catholicorum; permodum, testimonii Testamenti veteris. PRIMVM testimoniū habetur Exod. 18. ibi enim legitur quod cum cœpisset populus Dei redigi ad quendam formam Ecclesiasticæ Reipublicæ, sedebat Moses tanquam princeps & caput illius Ecclesiæ, & ad omnia dubia cuiuslibet legem Domini exorta respondebat, nec homines remiscebant ad spiritum aliquem reuelantem. Ibidem; Cum confituisset iuxta consilium sacerdi sui minores magistratus, quod populum iudicarent, semper tamē sibi reseruabat dubia cuiuslibet religionem: nimis ut intelligeremus, unum esse debet commune tribunal, à quo omnes petant diuinæ legis interpretationem, & cui omnes simpliciter acquiescant.

Hoc argumentum à quibusdam eludi solet, quod dicunt Mosen fuisse Principem politicum, non Pontificem, non Sacerdotem, cum Aaron esset Pontifex summus. Et propterea ex hoc loco non posse concludi, iudicium de rebus fidei pertinere ad Pontifices, sed potius aliquo modo pertinere ad Reges. RESPONDEO, Mosen fuisse Pontificem, non quidem summum, & Aarone maiorem, non quidem ordinarium, cui succederetur, is enim unus tantum esse poterat, & ille erat Aaron, sed extraordinarium à Deo specialiter constitutum. Sicut in nouo Testamento Apostoli omnes, non quidem maiores, nec omnino pares, sed tamen aliquo modo æquales Petro erant in Ecclesiastica potestate, ut Cr.

CYPRIANVS docet in tractatu de simplicitate Prælatorū: cùm hoc tamen discrimine, quòd Petrus ordinarius erat pastor totius Ecclesiæ, cui soli succedi debebat, reliqui extraordinarij, quibus non erat in illa potestate succedendum. Quod autem Moses fuerit sacerdos, testatur David cùm ait in Psalmo 98. *Moses & Aaron in sacerdotibus eius, & Samuel inter eos, qui inuocant nomen Domini.*

SED, inquiunt, dicitur sacerdos Moses, quia erat vir primarius, quo modo 2. Reg. 8. legimus, filij David sacerdotes erant. AT contrà, quia si hoc loco viri primarij dicerentur sacerdotes, etiam Samuel, qui erat vir primarius, fuisset vocatus sacerdos. Quod tamen non fecit David, qui sciebat, Samuelem non fuisse sacerdotem, sed iudicem tantum: non enim descendit ex familia Aaron, sed Core, consobrini eius, 1. Paralip. 6. Verè autem & propriè fuisse Mosen sacerdotem, patet ex lib. Exodi cap. 28. & 29. vbi Moses exercet omnia munera sacerdotalia. Siquidem sacrificat, docet, consecrat vestes, & quod maius est, Pontificem & sacerdotes inungit & initiat. Quocirca Mosen propriè sacerdotem fuisse, docent omnes ferè veteres; PHIL lib. 3. de vita Mosis extremo; Dionysius cap. 5. Eccles. hierar. Nazianzenus in oratione habita coram Gregorio Nysseno; AVGVSTINVS in Psal. 98. Hieronymus lib. 1. in Iouinianum, vbi etiam ostendit, Samuelem non fuisse sacerdotem.

SECUNDVM testimonium habetur Deuter. 17. vbi lex generalis fertur: *Si difficile atque ambiguum apud te iudicium esse perspexeris, inter cauſam & cauſam, lepram & non lepram, & iudicium in traportas tuas videris verba variari; surge, & ascende ad locum, quem elegerit Dominus Deus tuus. Veniesque ad sacerdotem Leuitici generis, & ad iudicem qui fuerit illo tempore, quaresq; ab eis, qui indicabunt tibi iudicij veritatem. Et facies quodcumque dixerint, qui præsunt loco quem elegerit Dominus, & docuerint te iuncta legem eius, sequentiam sententiam eorum, nec declinabis ad dexteram, neq; ad sinistram. Qui autem superbierit, nolens obedire sacerdotis imperio, qui eo tempore ministrat Domino Deo tuo, ex decreto iudicis morietur. Hic etiam valde clarè non remittuntur dubitantes ad spiritum suum, sed ad iudicem viuum, id est, sumum sacerdotem.*

Sed obiicit BRENTIVS, Præceptum esse conditionalia quia additur: *Facies quodcumque dixerint, qui presunt laicorum docuerint te iuxta legem eius.* Videtur enim ex hoc loco colligi, non esse standum iudicio summi sacerdotis, nisi proferat testimonium legis diuinæ. RESPONDEO. Illud: *Etsi docuerint te, etc.* non esse nisi in editione vulgata, quam Lutherani non recipiunt, nec sonare conditionem, sed assertionem siue promissionem: non enim voluit dicere; *Sta iudicio sacerdotis,* si docuerit te secundum legem: tunc enim fuissent homines magis dubij & perplexi quam antea: nec opus fuisse ad sacerdotem, si ipsi potuissent ex lege Domini per se iudicare causam suam. Immò tunc non sacerdos fuisset iudex ipsi; quippe qui de sententia sacerdotis iudicaturi erant. nesciunt illa conditio est, sed promissio. vult enim Dominus curum reddere populum, qui sacerdotis iudicio acquiescat quod facit, cum affirmat iudicaturum eum secundum legem suam.

SECUNDO obiicit BRENTIVS, hoc loco non solum sacerdotem, sed ad iudicem etiam remitti eos qui dubitan. iudicem autem fuisse politicum principem. RESPONDEO. Nomine iudicis posse hic intelligi Principem sacerdotum nam in Hebræo est: *Ascende ad sacerdotes & ad iudicem* quasi diceret, ad concilium sacerdotum, & eorum principem summum sacerdotem. Dico secundo; si intelligamus nomine iudicis politicum principem, hic esse distincta officia. Nam sacerdoti tribuitur sententia definitiva, iudici autem exequitio in contumaces: *Qui superbierit, inquit, nolens obediens sacerdotis imperio, ex decreto iudicis mortatur.*

TERTIO obiiciunt, hic non agi de dubiis religionis, sed de politicis. RESPONDEO, falsum esse; nam lex generalis est de omnibus dubiis, quæ ex lege oriebantur. Præterea occasio huius legis fuit propter eos, qui seruiunt Diis alienis, ut paret ex initio capit is. Seruire autem Diis alienis, contrariationem est.

TERTIVM testimonium est Eccles. 12. *Verba sapientum sicut stimuli, & sicut clavis in altum defixi, quæ per magistrorum consilium data sunt à pastore uno. His amplius, si mihi requiras.* Hoc loco Salomon docet, non esse ulterius inquerendum, sed acquiescendum penitus, quando sententia data

est à summo pastore, adiuncto præsertim consilio sapientum. Quod si hæc dicuntur de sacerdote veteris Testamenti, quanto magis dici possunt de sacerdote Testamenti noui, qui longè maiores promissiones à Deo accepit?

QVARTVM testimonium est Aggæi 2. *Hac dicit Dominus Deus exercituum; interroga sacerdotes legem.* Malach. 2. *Labbia sacerdotis custodient scientiam, & legem requirent ex ore eius, quia Angelus Domini exercitum est.* Ex quibus verbis intelligimus, non esse priuatorum hominum iudicare de sententia legis Domini, sed sacerdotis, qui cùm sit Angelus, id est, nuntius Dei, ad eum pertinet ex officio explicare sententiam Dei.

ACCEDAT VLTIMO illud ex lib. 2. Paralip. cap. 19. vbi sic loquitur ad sacerdotes Rex optimus Iosaphat: *Omnem causam, qua venerit ad vos fratum vestrorum, qui habitant in tribibus suis, inter cognationem & cognationem, & biconque quaestio est de lege, de mandato, de ceremoniis, de iustificationibus, ostendite eis, ut non peccent in Dominum.* *Amarias auctem sacerdos & Pontifex vester, in his, qua ad Deum pertinet, presidebit:* porro Zabadias filius Ismaël, qui est Dux in domo Iuda, super ea opera erit, quæ ad Regis officium pertinent. Vides hic, quam clarè Rex distinguat officium Pontificis ab officio Regis, & soli Pontifici tribuat iudicium de dubiis legis.

## CAPVT V.

*Idem probature ex Testamento nouo.*

**P**AM verò ex novo Testamento PRIMVM testimonium est Matth. 16. *Tibi dabo claves regni cælorum, &c.* Per istas enim claves non solum intelligitur potestas soluendi à peccatis, sed etiam ab omnibus aliis vinculis, & impedimentis, quæ nisi tollantur, non potest intrari in regnum cœlorum. siquidem promissio generalis est; nec dicitur, *Quemcunque soluetis, sed, Quodcunque soluetis, ut intelligamus, nodos omnes, seu legum, dispensando, seu peccatorum, & pœnarum, relaxando, seu dogmatum & controversiarum, explicando, à Petro, eiusque successoribus solui posse.* Sed de hoc loco in 1. lib. de summo Pontifice plura dicemus.

ALTE-